



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 42. Carolus Valesius Constantinopoli recuperandæ intentus.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

gerans Guilielmum Nogaretum, Sciar-
 ram Columnam, & undecim alios, o-
 mnino tredecim execratione devinxit,
 atque festo S. Petri die coram se ad-
 esse iussit.

Sæcul. XIV.
 A. C. 1304.

§. XLII.

*Carolus Valesius Constantinopoli re-
 cuperandæ intentus.*

Interea Carolus Valesius Regis Philippi
 frater per Canonicum Parisiensem suum
 Cancellarium & per quendam Virum
 nobilem e diocesi Carnutina tanquam
 internuncios Papam edocuit se armare
 classem Imperium Constantinopolitanum
 ad Catharinam Curtiniacensem conju-
 gem suam pertinens recipiendi gratia;
 poscebatque, ut Benedictus legata pia
 cæterasque donationes in emolumentum
 Palæstinæ factas pro sumptibus hujus
 expeditionis ipsi concederet, & com-
 mutaret vota illorum, qui terræ sanctæ
 causa induissent crucem, atque cum ipso
 in schismaticos ire vellent. Demum po-
 stulabat, ut Papa pro hoc molimine sa-
 crum ubique classicum cani iuberet.
 Is 27 Maji rescripsit se consentire in ejus
 petitiones excepta generali exhortatione
 ad ineundam crucis militiam; illam in a-
 liud tempus esse differendam ob præ-
 sentem Galliæ statum, nempe ob bel-
 lum

Rayn. n. 28.
 Ducang.
 hist. C. P.
 p. 224.

Sæcul. XIV. lum cum Flandris, quod omnes regni vi-
 A.C. 1204. res exigeret.

Kayn. n. 29.

Sed 20 Junii ad Episcopum Silvanectensem aliosque Franciæ Præsules epistolam dedit in hanc sententiam. Religionis studium debet sine dubio Christianorum animos accendere ad eripiendum schismaticis Imperium Constantinopolitanum. Nam si (quod nolint Superi!) illo potirentur Turcæ, ac reliqui Saraceni, qui Andronicum identidem invadunt, his non facile posset adimi. Et quanto periculo, quanto dedecori hoc esset Romanæ Ecclesiæ totique orbi Christiano! Optamus certe, ut Comitis Caroli molitio prosperum successum habeat quippe utilissima ad ferendas terræ sacræ supplicias variis ex causis tamdiu retardatas. Ita-que vos cunctos rogamus, ut ad id opus bonum efficacem conferatis operam. Etenim si nossetis Græcorum nostri contemptum odiumque ac errores in fide, supervacanea foret nostra vestri adhortatio ad hoc consilium cum ardore suscipiendum.

§. XLIII.

Benedictus XI favet Fratribus Mendicantibus.

Sup. §. 29.

Rayn. n. 31.

Quynh. p. 197

Papa Benedictus Guilielmo Maclesfeldio, quem anno priore Cardinalem crea-